



Te na partida rica de ocajiuns y dominada luné y lerch, à la La Val albü la miù sön la squadra da Vierschach che se presentëia te ciamp cun diesc sogadus.

□

□

Do les trëi pordüdes passades mëss la squadra da La Val se refá cun le Vierschach, avversar al'ultim post sön le papier mo dessigü nia da sotvaluté. Düc i atri concurënc á condüt a ciasa punc dal ciamp da Vierschach y insciö ince la squadra da La Val ne á orü ester da manco. I

aversars se presentëia ma cun diesc sogadus sön le ciamp strënt y vëgn pestada sot dai ladins, che dominëia i nonanta menüc. Costruí vëgnel n grüm de ocapiuns da gol, che ne vëgn indere nia anuzades bun, de chëstes ince döes puniziuns mascimes nia trasformades.

Bele al scomenciamënt mëss i padruns de ciasa aretré a defënn, i ladins pitá n bel jüch y bele ti prüm diesc menüc rōia le atacant Alexander sú dan porta ala trata , che vëgn tignida sō dal numer un. Al 16[^] é Max che se fej lerch te area y vëgn contrasté da dui aversars, le arbiter mostra atira sön le punt di önesc metri daulach al se presentëia Alex che fej pié ia na trata sön la pert ciampa, le portier á na gran reaziun y se destirá a deloj le palé te ciantun. Püch dô rōia en palé amez por Alexander y cun na morvëia de spiné rebat chësc le palé sön le prüm pé de porta, ince chiló rōia ciamó le un da Vierschach a salvé le resultat. Al 25[^] menüt de jüch se refesc Alex sön le önescmetri sbalié, giulan al bel laür de Max che ti sciampa al defensur y mët amez n preparatif, rōia Alex sú sön le palé y á ma plö bria de apogé te porta por le 1 a 0. Le medemo vegn püch do sorví cun na passaja filtranta dal mezciamp che taia fora la defenjiun, de ciamp prô Alex na trata sön le prüm pé, che ne rōia indere nia a dërt post. Al 35[^] l'atra conzesciun de na puniziun mascima, Alexander vëgn tigní y metü a tera al limit di cinch metri, sëgn é le capitan Stefan che töl le curan tles mans y se fej dant ala trata. Al prô ince ël la medema pert ciampa mo ince chësc iade individuësc le portier la direziun dl palé y le para, Max pro ciamó a ruvé lassura mo la trata rōia sura porta fora. Dan le pröm tēmp ti garetá ciamó al Vierschach na ripartēnza cun na passaja filtranta al'atacant, che se fej lerch y rōia sú cuntra le portier Julian, chësc mëss se destrà por defanté la trata.

Ince sce le mezciamp partesc fora de bugn palés ai sogadus susc sön les perts, mancel gonot le ultim passaje fatal che pudess fa rové i atacant a püc metri dan porta. A chësta moda resta le resultat sön le megher 1 a 0 ala fin dl pröm tēmp.

Le pröm tēmp e rōia sön le resultat de 1 a 0 por La Val

I pröms diesc menüc dla secunda fraziun se lascia i ladins n mumënt do fora y ti lascia le ciamp por l'avanzamënt aversar, i atacanc pustri fej pié ia ince val trata indere nia prigorosa. Al 55[^] mët Marco S. n bel preparatif amez por Alex che le fej passé inant por Stefan, la trata è indere debla y le portier ne á nia gran dificolté al'architè sō. Tosc é le atacant frësch Adrian ruvé te ciamp che fej balé la rēi. L'aziun pëia ia cun Christian Dapoz che arlungëia a Max Nagler, al mët le palé amez por Adrian che vega en ciamp de prüma sön le pé lunch de porta. Chësc ti garetá ince y le resultat radoplëia. Tosc é ince le decim sogadú dl Vierschach che mëss lascé le ciamp por infortüne, insciö ti sciampa i atacanc ladins ti büsc y rōia a contlunjiun. Ala trata de na puniziun conzedüda al limit se desmarchëia Max y ciafa sön le pé le curan, cun en bun control veghel de pröma na trata bassa sön le pröm pé de porta. La furbizia y la velocitè dla passaja de Alex premiëia insciö la squadra cun le terzo gol. Al 75[^] ciamó döes ocapiuns d'or de Adrian che naota fej só le palé al limit y vega n palonët a giré sura la defenjiun ite, le curan rebat indere tla stangia de porta. Püch dô sön na crossada de Marco prô le medemo n'acrobazia de forfesc

amez area, che ti gareta in pert y fej rové le palé sura porta fora. Le resultat vëgn spo definitivamënter metü al sigü da Stefan al 83[^], che mëss ince se refà sön la mascima punizun sbaliada. Alex vëiga a dërt' ora le movimënt dl capitan y taia fora la defenjiun cun na passaja. Stefan sú dan le portier controlëia le palé y le mët sön le prüm pé de porta por le 4-0. Tosc fej le arbiter ruvé la partida, i sogadus stanc y cun i pêsc lorënc é ince cuntënc de pudëi jí te cabina. Na devënta plö che miritada cun en resultat megher che ess podü salté fora cotan plö toch sce le gran numer de ocapiuns foss gnüdes anuzades sciöche al toca.

Vierschach – La Val : 0-4

Formaziun La Val: 1. Julian Moling, 2. Luca Pescollderung (dal 75[^] Martin Ploner), 3. Paolo Vallazza, 4. Werner Sottara, 5. Marco Castlunger, 6. Christian Dapoz, 7. Marco Sottara, 8. Stefan Sottara – capitan, 9. Alexander Miribung (dal 60[^] Adrian Miribung), 10. Max Nagler, 11. Alex Elzenbaumer

Proscima partida: *In dumënia ai 29 de má dales 16:00 ultima partida te ciasa cuntra le Raas*

Atri resultac:

Altherren: Dietenheim – La Val – spostada ai 28.05 dales 18:30 a Dietenheim

Juniores: Gherdeina - Val Badia : 4 - 2

U-15: Mareo/LaVal – Sest : 0 - 1

U-10: La Val – Valdaora: 1 - 7